



Republika e Kosovës
Republika Kosova-Republic of Kosovo
Qeveria - Vlada - Government

Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

**RAPORT PËR “PLANIN E VEPRIMIT KOMUNAL PËR NEGOCIMIN E
MARRËVESHJES SË STABILIZIM ASOCIIMIT ” korrik – shtator 2013**

DEPARTAMENTI PËR INTEGRIME EVROPIANE DHE KOORDINIM TË POLITIKAVE

Prishtinë, Nëntor 2013

PËRMBAJTJA

- Hyrje
- Qëllimi i raportit
- Përmbledhje ekzekutive
- Kriteret politike
- Të drejtat e njeriut dhe mbrojtja e minoriteteve
- Aftësia për të përballuar obligimet që dalin nga MSA-ja
- Bujqësia
- Kontrolli financiar
- Punësimi, politika sociale dhe politika e shëndetit publik
- Mjedisi dhe ndryshimet klimatike
- Bashkëpunimi financiar

Hyrje

Ministria e Administrimit të Pushtetit Lokal si autoritet mbikëqyrës i komunave, në vazhdimësi është përkushtuar të mbështes dhe të ndihmoj komunat me qëllim të përmbushjes së obligimeve të tyre në raport me proceset integruese evropiane. Gjithashtu, Ministria e Administrimit të Pushtetit Lokal, në fushën e integrimeve evropiane ka rol koordinues dhe bashkërendues në mes të institucioneve lokale dhe atyre qendrore.

Në janar të vitit 2013, Qeveria e Republikës së Kosovës ka publikuar Planin e Veprimit për Negocimin e Marrëveshjes së Stabilizim - Asociimit¹ pas konfirmimit të Këshillit të Bashkimit Evropian (datë 11 dhjetor të vitit 2012) se Kosova do të fillojë negociatat për MSA-në për shkak të përmbushjes së kriteve.

Duke e ditur se Republika e Kosovës ka hyrë në një fazë të re të integrimeve evropiane, mobilizimi i institucioneve qendrore dhe atyre lokale ka qenë i menjëhershëm në koordinimin dhe bashkërendimin e aktiviteteve me qëllim të përmbushjes së obligimeve që dalin nga ky plan.

Ministria e Administrimit të Pushtetit Lokal, pas miratimit të PVMNSA-së ka punuar për së afërmi me komunat, Asociacionin e Komunave të Kosovës dhe organizatat e tjera vendore dhe ndërkombëtare, me qëllim që të siguroj komunat se perspektiva e anëtarësimit në Bashkimin Evropian është prioritet dhe rëndësi strategjike për Republikën e Kosovës.

Në këtë kontekst, duhet thënë se rruga më e mirë për të ecur përpara është përkushtimi në kryerjen e obligimeve e që për rezultat ngërthen përmirësimin e cilësisë së standardit jetësor dhe nxitjes së zhvillimit ekonomik për të gjithë qytetarët.

Bazuar në atë që u tha më lartë, ofrimi i të dhënave nga komunat është mjaft i rëndësishëm dhe domethënës mbi zhvillimin e aktiviteteve të tyre, marrë parasysh përgjegjësinë që kanë komunat në raport me qytetarët dhe institucionet publike. Raporti në fjalë pasqyron gjendjen reale të të arriturave të komunave, por njëkohësisht edhe të mbeturave dhe sfidave për të ardhmen. Në kuadër të raportit, fokus u është dhënë fushave kryesore të cilat kanë të bëjnë me kriteret politike, kriteret ekonomike dhe aftësisë për të marrë përsipër detyrimet që rrjedhin nga MSA-ja. Këto fusha janë bazuar në Planin e Veprimit për Negocimin e MSA-së².

Edhe pse Plani i Veprimit për Negocimin e MSA-së përbëhet nga 200 masa, prej të cilave 47 masa janë nën kapitullin e kriteret politike, 19 nën kapitullin e kriteret ekonomike dhe 133 nën aftësitë për të marrë përsipër detyrimet që realizojnë nga MSA, në këtë raport janë shkoqitur vetëm fushat dhe masat që ndërlidhen me komunat.

¹ Planin e Veprimit për Negocimin e Marrëveshjes së Stabilizim - Asociimit

² Planin e Veprimit për Negocimin e MSA-së

Qëllimi i raportit

Raporti ka për qëllim prezantimin dhe ofrimin e të dhënave të komunave për qytetarët, institucionet vendore dhe ndërkombëtare, organizatat joqeveritare, si dhe çdo grupi tjetër të interesit, për nivelin e të arriturave dhe sfidave, bazuar në kriteret e përcaktuara nga Bashkimi Evropian.

Hartimi i dokumentit është bërë për secilën fushë veç e veç, duke përfshirë të dhënat e komunave në tre fusha kryesore, si: kriteret politike, kriteret ekonomike dhe aftësitë për të marrë përsipër detyrimet që rrjedhin nga MSA-ja.

Në kuadër të raportit, nga 38 komuna sa ka gjithsejtë Republika e Kosovës, në raport janë përfshirë të dhënat vetëm për 28 komuna, ndërkaq 7 komuna të tjera nuk kanë ofruar të dhëna, ndërkohë që për Komunën e Leposaviqit, Zveçanit dhe Zubin Potokut nuk kemi të dhëna.

Vlerësojmë se informacionet e ofruara në këtë raport, veçanërisht gjetjet e paraqitura si ngecje apo sfidë, do të shërbejnë në të mirë të komunave me qëllim të ngritjes së përgjegjësisë institucionale dhe ndërmarrjes së hapave konkret drejt përmirësimit dhe plotësimit të kriterëve (në fushën e integritimeve evropiane) të përcaktuara nga BE.

Përmbledhje ekzekutive

Me qëllim të ofrimit të kontributit në zhvillimin dhe avancimin e proceseve integruese evropiane, me theks të veçantë nivelin lokal, MAPL, si organ mbikëqyrës i komunave ka treguar koherencë dhe konstruktivitet me komunat në realizimin dhe përmbushjen e detyrave.

MAPL, për periudhën korrik - shtator 2013, ka dërguar në adresë të komunave pyetësin për plotësim i cili është nxjerrë nga Plani i Veprimit për Negocimin e Marrëveshjes së Stabilizim - Asociimit³. Në këtë kontekst, një pjesë e konsiderueshme e komunave të Republikës së Kosovës kanë raportuar për këtë periudhë, mirëpo kanë mbetur edhe 7 komuna të tjera pa raportuar, me përjashtim të komunave Zveçan, Leposaviç dhe Zubin Potok.

Raporti për periudhën korrik - shtator 2012, paraqet vazhdimësinë e punës së komunave, sukseseve, të arriturave dhe paraqitjes së sfidave në përmbushjen e obligimeve. Në kuadër të raportit, rëndësi i është dhënë forcimit të kapaciteteve të administratës në nivelin lokal (përfshirë edhe komunat e sapoformuara) përmes ofrimit të udhëzimeve administrative dhe rregulloreve nga niveli qendror në ngritjen e kapaciteteve, zbatimit të kurrikulës në gjuhën rome, sigurimin e qasjes në arsim dhe luftimin e braktisjes së shkollimit, decentralizimin e fondit për ri-integrim, hartimi i politikave, planeve dhe programeve zhvillimore për sektorin e bujqësisë dhe zhvillimit rural, përmirësimi i infrastrukturës në zonat rurale, shfrytëzimi dhe menaxhimi i qëndrueshëm i pyjeve, zhvillimi i auditimit të brendshëm dhe menaxhimit financiar dhe kontrollit (MFK) në sektorin publik në harmoni me standardet dhe praktikën ndërkombëtare, ofrimi i shërbimeve shëndetësore të gjitha komuniteteve minoritare, me prioritet komuniteteve romë, ashkali dhe egjiptas, zbatimi i politikave mjedisore me qëllim të përmirësimit të gjendjes së mjedisit, programet e bashkëpunimit ndërkufitar.

Në bazë të analizës dhe vlerësimit të bërë pyetësorëve të komunave kemi identifikuar se ka përmirësime nga komunat në çështjen e raportimit dhe plotësimit të pyetësorëve me të dhëna, mirëpo mbetet për t'u dëshiruar që cilësia e raportimit të ngritet dhe përmes saj të ofrohen të dhëna konkrete, të sakta, të përcaktuara për periudhat raportuese dhe të dhënat mos të jenë për periudhat e muajve të mëhershme.

Ka nga komunat të cilat të dhënat në pikat si: krijimi i sipërfaqeve të gjelbëruara, numri i braktisjes së nxënësve nga shkolla dhe një sërë fusha të tjera, të dhënat nga këto fusha janë të përsëritura nga periudha e mëhershme e raportimit. Normalisht që disa të dhëna janë statike në kuptimin që përsëriten si: për shembull çështja se a ka komuna plan të veprimit në mjedis, a është i themeluar njësi e auditimit të brendshëm në komuna, si dhe komiteti i auditimit etj, këto pyetje janë statike dhe nuk lëvizin.

³ Plani i Veprimit për Negocimin e Marrëveshjes së Stabilizim - Asociimit

1. KRITERET POLITIKE

Forcimi i kapaciteteve të administratës në nivelin lokal, duke përfshirë komunat e sapo formuara, si dhe duke ofruar udhëzime nga niveli qendror tek ai lokal,

1.1. Udhëzimet për ngritjen e kapaciteteve administrative në komunën

Institucionet qendrore kanë ofruar udhëzime administrative dhe rregullore në drejtim të komunave me qëllim të ngritjes së kapaciteteve lokale. Nga të dhënat e siguruar del të jetë se prej 28 komunave të cilat kanë ofruar të dhënat, vetëm 13 komuna kanë pranuar udhëzime administrative dhe rregullore, 9 komuna nuk kanë pranuar udhëzime administrative dhe rregullore, 6 komuna kanë dhënë përgjigje të përgjithësuara. Numri i përgjithshëm i udhëzimeve administrative të pranuar nga komunat është 74.

Po ashtu, pjesa dërrmuese e komunave janë përgjigjur se është arritur nivel i kënaqshëm i zbatimit të udhëzimeve të marra nga niveli qendror.

Kur jemi tek niveli dhe numri i trajnimeve të ofruara nga komunat dhe ministritë për zyrtarët komunal, në bazë të të dhënave konstatojmë se numri i përgjithshëm i trajnimeve është 197. Po ashtu, pjesëmarrja e zyrtarëve komunal në këto trajnime ka qenë e evidente, ku në total 393 zyrtar komunal kanë qenë pjesëmarrës të këtyre trajnimeve.

Disa nga udhëzimet e ofruara nga Ministritë për nivelin lokal:

1. U.A. 01/2011 për menaxhimin dhe përdorimin e Internetit në Institucionet e Republikës së Kosovës;
2. U.A. 03/2011, për Ueb faqet e Institucioneve Publike;
3. U.A. 02/2010 për menaxhimin e Sigurisë Informativë;
4. U.A. 03/2010 për përdorimin e Softuerit dhe Harduer-it;
5. U.A. 04/2010 për shfrytëzimin e postës elektronike zyrtare;
6. U.A. 2011/03 për organizimin dhe funksionimin e qendrave të shërbimeve të qytetarëve në Komuna;
7. U.A. 2011/02 për përcaktimin e procedurave për zbatimin e ligjit për përdorimin e gjuhëve;
8. U.A. 2008/09 për transparencë në Komuna;
9. U.A. 2008/08 për marrëveshjet e bashkëpunimit të Komunave me fshatrat vendbanimet dhe lagjet urbane;
10. U.A. 2007/08 për themelimin e njërive për të drejtat e njeriut në Komuna;

11. U.A. 2005/08 për përcaktimin e kompetencave dhe përshkrimin e detyrave të zyrtarit për barazi gjinore në Komuna;
12. Nr. 05/2012 - për klasifikimin e vendeve të punës për shërbyesit civil;
13. U/A Nr. 01/2013 - për dokumentet e gjendjes civile;
14. U/A Nr. 03/2013 - për vulën verifikuese;
15. U.A. Nr. 2011/03 për organizimin dhe funksionimin e qendrave për qytetarët në komuna;
16. U.A. Nr. 03/2011 për funksionimin e QSHQ;

1.2 Ngritja e performancës në punë dhe në ofrimin e shërbimeve

Sa i përket performancës në punë të punonjësve civil dhe në ofrimin e shërbimeve për qytetarët, pothuajse të gjitha komunat kanë dhënë vlerësimin e përafërt se në këtë drejtim është arritur një nivel i kënaqshëm, ka ngritje të efikasitetit të punonjësve në punë, profesionalizmi është më i dukshëm në përmbushjen e obligimeve marrë parasysh edhe trajnimet e mbajtura nga niveli qendror. Në ofrimin e shërbimeve për qytetarët nëpër komuna, si rezultat i pajisjes dhe posedimit të avancuar të teknologjisë informative, qytetarëve u është mundësuar një qasje më e shpejtë dhe më e mirë në ofrimin e shërbimeve për ta.

1.3 Thjeshtëzimi i procedurave administrative dhe shkurtimi i kohëzgjatjes së procedurave

Gjithashtu, komunat janë mbështetur nga institucionet qendrore në pajisjen e programeve të reja (data bazave), e që për rezultat komunat kanë arritur të thjeshtëzojnë dhe shkurtojnë kohëzgjatjen e procedurave administrative. Duhet përmendur se tani qytetarët pajisen me ekstraktet e gjendjes civile me një procedurë të përshpejtuar përmes programit të cilin e ka lançuar niveli qendror.

1.4 Rritja e besueshmërisë në dokumentet e lëshuara nga komuna

Në çështjen e ngritjes dhe rritjes së besueshmërisë së dokumenteve të lëshuara nga komunat, komunat kanë dhënë vlerësimin e tyre se ekziston një siguri e lartë në ruajtjen dhe lëshimin e dokumenteve konform standardeve të parapara me ligjet aktuale në fuqi.

1.5 Vazhdimi i procesit të decentralizimit për komunën e Mitrovicës së Veriut

Zyra në Mitrovicën Veriore është formuar me Vendim të Qeverisë nr. 01/75, 23.05.2012. Sipas këtij vendimi ZAMV-ja ofron të gjitha shërbimet për qytetarët e Mitrovicës Veriore ashtu siç parashihet me LVL-në. Pjesa ekzekutive është formuar në 7 (shtatë) drejtori të cilat janë funksionale dhe ofrojnë shërbime për qytetarët.

Pas zgjedhjeve të mbajtura me datë 3 nëntor 2013, do të bëhet formimi i Kuvendi të Komunës si dhe organeve të tjera komunale, ku i tërë dokumentacioni KASM-ës do të jetë në dispozicion të komunës së re të Mitrovicës së Veriut.

2. TË DREJTAT E NJERIUT DHE MBROJTJA E MINORITETEVE

Të vazhdohet implementimi i kurrikulës në gjuhën rome, të sigurohet qasja në arsim si dhe të luftohet braktisja e shkollimit

2.1. Kurrikula në gjuhën rome

Në fushën e të drejtave të njeriut dhe mbrojtjes së minoriteteve, komunat kanë bërë përpjekje të vazhdueshme që të zbatojnë kurrikulën në gjuhën rome, sigurimin e qasjes në arsim dhe luftimin e braktisjes së shkollimit. Vlen të theksohet se në një pjesë të komunave ku ka minoritete të komunitetit RAE, vërehet se ky komunitet më shumë është i fokusuar të mësoj në gjuhën shqipe se sa në atë rome. Ka nga komunat në të cilat komuniteti RAE vijon mësimin në gjuhën serbe me plan program të Serbisë.

2.2. Niveli i braktisjes së shkollimit

Ndërkaq, lidhur me sigurimin e qasjes në arsim dhe luftimin e braktisjes së shkollimit, komunat dhe shkollat kanë ndërmarrë veprimet e duhura duke formuar ekipet për parandalim dhe reagim të braktisjes dhe mos - regjistrimit sipas U.A. 7/2011 të MASHT-it. Përmes këtyre ekipeve janë ofruar informata të nevojshme mbi arsimin dhe luftimin e braktisjes së shkollimit tek nxënësit, janë organizuar dhe siguruar transporte falas për nxënësit.

Bazuar në të dhënat del të jetë se në 28 komuna, numri i nxënësve të cilët kanë braktisur shkollën fillore dhe të mesme të ultë është 607 nxënës, ndërkaq numri i nxënësve të cilët e kanë braktisur shkollën e mesme të lartë (shkollim jo obligativ) është 722 nxënës. Sa i përket numrit të nxënësve të rikthyer në shkolla pas braktisjes së tyre del të jetë 111 nxënës.

3. AFTËSIA PËR TË PËRBALLUAR OBLIGIMET QË DALIN NGA MSA-ja

Të vazhdohet me decentralizimin e fondit për ri-integrim, të thjeshtësohet procedura e aplikimit për këtë fond dhe të përmirësohet bashkëpunimi midis nivelit qendror dhe lokal

3.1. Decentralizimi i fondit për ri-integrim

Lidhur me decentralizimin e fondit për ri-integrim, thjeshtësimin e procedurave për aplikim në këtë fond dhe përmirësimin e bashkëpunimit në mes të nivelit qendror dhe lokal, komunat janë përgjegjgur se ende nuk menaxhojnë me këtë fond, ndërkaq për sa i përket nivelit të zbatimit të procedurave për aplikim në këtë fond, në disa komuna ka pasur vështirësi dhe probleme gjatë zbatimit të tyre, kurse në pjesën tjetër të komunave këto procedura janë zbatuar në tërësi dhe pa probleme.

Së këndejmi, bashkëpunimi në mes të nivelit qendror dhe lokal është treguar i kënaqshëm ku dhe janë mbajtur takime të rregullta me qëllim të shkëmbimit të informacioneve dhe lehtësimit në kryerjen e obligimeve të përbashkëta. Nuk kanë munguar edhe takimet e rregullta në mes të komunave, shoqërisë civile dhe organizatave ndërkombëtare.

Në përmirësimin e infrastrukturës lokale dhe të transportit në zonat rurale, në periudhën korrik - shtator 2013, komunat kanë realizuar projekte të ndryshme me theks të veçantë në: rrugë, rrjet elektrik, sistemin e ujitjes, kanalizimet, transport etj. Duhet përmendur se, Grupet Lokale të Veprimit me ndikim në zonat rurale kanë luajtur rol të rëndësishëm në realizimin e këtyre projekteve.

4. BUJQËSIA

Hartimi i politikave, planeve dhe programeve zhvillimore për sektorin e bujqësisë dhe zhvillimit rural

4.1.1. Hartimi i programeve zhvillimore nga komuna në sektorin e bujqësisë

Në sektorin e bujqësisë një pjesë e komunave kanë hartuar programe dhe strategji për zhvillimin e bujqësisë konform master planit mbi zhvillimin e bujqësisë në Kosovë 2010-2013 dhe strategjinë komunale për zhvillim. Këto programe janë të zbatueshme për këto komuna, mirëpo, pjesa tjetër e komunave nuk e posedojnë një plan të tillë.

Në këtë kontekst, komunat në bazë të planifikimeve dhe mundësive buxhetore, kanë ndarë mjete financiare për mbështetjen dhe modernizimin e sektorit privat të bujqësisë. Një mbështetje të veçantë për sektorin e bujqësisë kanë dhënë organizatat ndërkombëtare dhe ato jo - qeveritare. Kjo mbështetje e komunave dhe organizatave ndërkombëtare në këtë sektor ka mundësuar përmirësimin e efikasitetit në prodhim dhe hapjen e vendeve të reja të punës.

4.1.2. Ndërmarrja e veprimeve nga komuna në mbrojtjen e pyjeve

Tek shfrytëzimi dhe menaxhimi i qëndrueshëm i pyjeve, disa nga komunat kanë zhvilluar aktivitetet e tyre në pyllëzimin e sipërfaqeve, ndërkaq pjesa tjetër e komunave nuk kanë ndërmarrë aktivitete. Krahas kësaj, janë bërë edhe kontrollat profesionale nga inspektorët me qëllim të mbrojtjes së pyjeve, ku dhe janë shqiptuar dënime për kundërvajtje dhe vepra penale për dëmtuesit dhe shfrytëzuesit ilegal të pyjeve. Niveli i dëmeve të shkaktuara nga prerjet ilegale dhe nga zjarret lëviz nga komuna në komunë, mirëpo edhe për këtë periudhë raportuese përkundër dënimeve të shqiptuara, prerjet ilegale kanë vazhduar.

5. KONTROLLI FINANCIAR

Zhvillimi i Auditimit të brendshëm dhe Menaxhimit Financiar dhe Kontrollit (MFK) në sektorin publik në harmoni me standardet dhe praktikat ndërkombëtare

5.1. Korniza ligjore dhe standardet ndërkombëtare në fushën e auditimit të brendshëm

Në fushën e auditimit të brendshëm, njësia komunale për auditim të brendshëm është e themeluar dhe funksionale në 26 komuna, në 2 komuna NJKAB nuk është e themeluar. Kurse, sa i përket komitetit të auditimit, 23 komuna e kanë të themeluar këtë komitet, 5 komuna ende nuk e kanë themeluar.

6. PUNËSIMI, POLITIKA SOCIALE DHE POLITIKA E SHËNDETIT PUBLIK

Adoptimi i politikave të përfshirjes sociale dhe anti-diskriminuese si dhe masave për përmirësimin e situatës së grupeve të cenuara

6.1.1. Masat e ndërmarra nga komuna për përmirësimin e situatës socio-ekonomike të grupeve të cenuara (komunitet pakicë, personat me aftësi të kufizuar, viktimat e dhunës në familje, etj)

Punësimi, politikat sociale dhe politikat e shëndetit publik janë disa nga fushat për të cilat komunat kanë ndërmarrë masa duke nxjerrë strategji komunale, përfshirë edhe OJQ-të në ofrimin e shërbimeve të mirëqenies sociale, ku është bërë *fushatë informative për komunitetet pakicë rreth shëndetit familjar, parandalimin e infektimit, vaksinimit, etj*. Komunat kanë paraqitur në mënyrë të detajizuar ndihmat që ju ofrojnë familjeve në nevojë, kanë paraqitur numrin e personave/familjeve të identifikuar që kanë nevojë, ndihmën e ofruar të grupeve të cenuara në asistencë, identifikimin e për ndihmë sociale dhe shërbime sociale. Po ashtu, për çështjen e vaksinimit, një gjë e tillë bëhet sipas planit vjetor dhe orarit të vaksinimit.

Njëkohësisht, komunat kanë miratuar edhe Planin e Veprimit në të cilin përfshihen komunitetet pakicë (në këtë rast komunitetit RAE). Komuniteti RAE ka qasje të barabartë sikurse të gjithë qytetarët tjerë në këto shërbime si: vizitat, ndihma me medikamente, analiza laboratorike, marrja e terapisë sipas listës esenciale, bërja e imazheve rëntgenologjike, shërbimet stomatologjike, parandalimin, mjekimin, shërimin dhe rehabilitimin që ka të bëjë me sëmundjet, rregullimet dhe lëndimet, edukimin shëndetësor, imunizimin dhe vaksinimin.

7. MJEDISI DHE NDRYSHIMET KLIMATIKE

Ngritja e kapaciteteve njerëzore dhe institucionale në sektorin e mjedisit në nivelin qendror dhe lokal

7.1.1. Ngritja e kapacitetet në komuna në sektorin e mjedisit

Çështjet mjedisore dhe ndryshimet klimatike si fusha prioritare dhe jetike për vendin, karakterizohen me disa nën fusha të tjera në të cilat përfshihet ngritja e kapaciteteve njerëzore dhe institucionale në sektorin e mjedisit, trajnimet për zbatimin e legjislacionit mjedisor, trajnimet për inspektorët komunal të ambientit, trajnimet për zyrtarët komunal në trajtimin e vendbanimeve jo - formale, për procesin e hartimit të Planeve Rregulluese Urbane, zbatimin e planit lokal të veprimit në mjedis, planet komunale për menaxhimin e mbeturinave etj.

7.1.2. Bashkëpunimi ndërmjet ministrive dhe komunës në sektorin e mjedisit

Niveli lokal dhe qendror kanë bashkëpunuar ndërmjet vete në sektorin e mjedisit duke zhvilluar projekte të ndryshme mbi mbrojtjen e ambientit dhe duke mbajtur aktivitete me qëllim të pastrimit të ambientit. Po ashtu, zbatimi i planit lokal të veprimit në mjedis dhe planit komunal për menaxhimin e mbeturinave, ndikojnë dukshëm në komuna dhe japin efektin pozitiv të menaxhimit të qëndrueshëm të ambientit dhe krijimit të hapësirave të reja gjelbëruese. Si shkaktar kryesor për ndotjen e ambientit në komuna konsiderohen gurëthyesit të cilët nuk respektojnë ligjet dhe aktet nënligjore.

8. BASHKËPUNIMI FINANCIAR

Programet e bashkëpunimit ndërkufitar

8.1.1. Niveli i bashkëpunimit ndërkufitar?

Sa i përket programeve të bashkëpunimit ndërkufitar, vetëm komunat të cilat përkufizohen me zonat kufitare kanë ofruar të dhënat. Nga komunat që mund të përmendim dhe të cilat kanë realizuar projektet janë: Komuna e Deçanit me 27 projekte, Komuna e Fushë Kosovës me 1 projekt, Komuna e Gjakovës me 12 projekte dhe Komuna e Junikut me 4 projekte të realizuara.

KONKLUZIONET

- ✚ Në Komuna vërehet se ka përmirësim në çështjen e raportimit dhe plotësimit të pyetësorëve me të dhëna;
- ✚ Në Komuna ende mbetet për t’u dëshiruar sa i përket përmbushjes së obligimeve ligjore me qëllim të themelimit dhe funksionalizimit të njësive, komiteteve, komisioneve, grupeve si: auditimi i brendshëm, komiteti i auditimit të brendshëm, komisioni komunal për ri-integrimin e komunitetit RAE, grupet e veprimit lokal.

REKOMANDIMET E PËRGJITHSHME

Rëndësia e këtij raporti vije duke u fuqizuar akoma më shumë nga ripërtëritja e tij çdo vit, duke ofruar të dhëna mbi të cilat ne mund të bëjmë krahasime.

Meqenëse përgjigjet e marra nga komunat, për raportin e tre mujorit të tretë të vitit 2013 janë më mirë të ndërtuara, mirëpo ende ka hapësirë për përmirësim të tyre.

Komunat të respektojnë afatet kohore në lidhje me raportimet periodike.

Komunat si vijon, nuk kanë raportuar dhe rekomandohet që për periudhën e ardhshme të raportojnë:

LISTA E KOMUNAVE TË CILAT NUK KANË RAPORTUAR:

- GJILAN
- VITI
- SUHAREKË
- MALISHEVË
- SKENDERAJ
- PARTESH
- RAHOVEC